

**REZIMEI PODRŽANIH PROJEKATA  
FOND VOLIM SVOJ GRAD**

**Javni poziv za podršku podršku građanskim projektima i inicijativama sa područja TK  
Broj poziva: 1 – FVSG – 1/2024; Broj protokola: KP-II-63/24**

**Aplikant:** Bošnjačka zajednica kulture „Preporod“ Teočak

**Naziv projekta:** „Majevička sehara“

**Odobreno sredstava:** 5.000,00 KM

Nizak stepen postojanja kulturne razmjene među stanovništvom majevičkog kraja različite etničke pripadnosti ,nedostatak međuetničkih , međuopćinskih sadržaja od kulturnog značaja za općinu Teočak i susjedne opštine Tuzlanskog kantona jedan su od glavnih razloga održavanja kulturne manifestacije „Majevička sehara“ u organizaciji BZK „Preporod „ Teočak. Različiti oblici umjetnosti u Teočaku i okolini i pored prisustva značajnog broja umjetnika do sada je bila relativno zanemarena posebno kroz formu regionalne i međuopćinske kulturne saradnje.Osnovni cilj održavanja projektnih aktivnosti je u okupljanju i masovnosti učesnika različitog umjetničkog izražavanja ( folklor , izrada nošnji , jačanje kapaciteta kulturno-umjetničkih društava ) kroz uspostavljanje visokog stepena povjerenja i kulturne saradnje darovitih pojedinaca i institucija , prevazilaženju predrasuda i veliki doprinos u promociji prirodnih ljepota jezera Sniježnica sa posebnim akcentom na vjerski turizam i kulturno-historijske spomenike Teočaka i okoline. Majevička sehara“ petomjesečni je kulturno-edukativni program koji se može svrstati u programe i kulturne projekte od posebnog značaja za općinu Teočak i Tuzlanski kanton, jer kvalitetom i sadržajem programa doprinosi podizanju kulturnog života stanovnika Tuzlanskog kantona, očuvanju tradicije , afirmaciji kulturnog i umjetničkog stvaralaštva stvaranjem jednakih prava mogućnosti učešća bez obzira na spol. Projektne aktivnosti namijenjene su građanima različite nacionalne, dobne pripadnosti , ljubiteljima umjetnosti, učenicima osnovnih i srednjih škola iz opština regije Majevisa, članicama udruženja žena, pčelara, kulturno-umjetničkih društava, itd..Posebna pažnja će se posvetiti prisustvu osoba treće životne dobi, jer nedostatak javnih kulturnih događaja najviše pogađa ovu kategoriju.

**Aplikant:** UG „Leptir“

**Naziv projekta:** „Inkluzivno integrisani park“

**Odobreno sredstava:** 4.529,20 KM

Udruženje građana „Leptir“ fokusirano je na djecu i mlade sa smetnjama u razvoju na području općine Doboj Istok, aktivno radeći na poboljšanju kvaliteta života djece sa posebnim potrebama kroz senzornu integraciju, logopediju, defektološke tretmane i podršku roditeljima. Udruženje svojim projektom pod nazivom „Inkluzivno-integrirani park“ želi izgraditi i dizajnirati park prvenstveno za korištenje djece sa smetnjama u razvoju i njihovih roditelja/staratelja, ali i cjelokupne zajednice koja posjećuje ovo područje. Projektom se želi

urediti trenutno zapušteno, zaraslo i neuređeno zemljište koje se nalazi direktno preko puta novoizgrađenog Dnevnog centra za djecu i omladinu ometenu u razvoju, stvarajući prostor u kojem će djeca sa posebnim potrebama i njihovi roditelji, ali i lokalno stanovništvo i djeca iz osnovnih škola, mogu se odmoriti i družiti. Planirane aktivnosti obuhvataju raščišćavanje i uređenje parcele, nabavku klupa, kanti za otpatke, cvijeća, ukrasnog bijelog kamena, malča, živica itd. Sve radove će izvoditi članovi Udruženja, roditelji djece i članovi zajednice .

**Aplikant:** NG „Lokalna grupa za razvoj Solina“

**Naziv projekta:** „Igrom do jače zajednice“

**Odobreno sredstava:** 4.960,00 KM

Neformalna grupa “LCDG Solina” sa svojim projektom pod nazivom “Igrom do jače zajednice” ima za cilj podizanje građanskog aktivizma u Solini na viši nivo i unapređenje saradnje među trenutno aktivnim dionicima u lokalnoj zajednici kroz popularizaciju i promociju tradicionalnih “Solinskih narodnih igara bez granice”. Projektom je planirano organiziranje manifestacija starih folklornih igara, kulturno-zabavnog programa i sportskih igara. Projektne aktivnosti obuhvataju čišćenje i uređenje vanjskog prostora, popravku i farbanje klupa i sportskog terena mjesnog sportskog stadiona „Studenac“, te organizaciju glavne manifestacije „Solinske narodne igre bez granica“ uz učešće cijele zajednice, više od 500 stanovnika.

**Aplikant:** Ronilački klub „Vidara“ Gradačac

**Naziv projekta:** „U zdravom tijelu zdrav duh!“

**Odobreno sredstava:** 5.000,00 KM

Cilj projekta je podizanje ekološke svijesti kod mladih, promocija prirodnih ljepota jezera Vidare i važnosti očuvanja iste, promocija važnosti bavljena sportom i vođenja zdravijeg života. Planirane aktivnosti su: radionice sa mladima iz osnovnih i srednjih škola o ekologiji i važnosti ekologije u društvu, promovisanje prirodnih ljepota jezera kroz vožnju camcem po jezeru Vidara, postavljanje eko putokaze za jezero Vidara, animacija mladih da nauče roniti i plivati sa članovima udruženja (kurs ronjenja i plivanja), organizovanje sportskih igara za mlade, takmicenje u grupama i zabavni program.

Tokom projekta planirana je i izrada spota o ekologiji i promociji zdravog načina života, koji će se promovirati putem medija i društvenih mreža, s ciljem podizanja svijesti građana o važnosti navedenog.

**Aplikant:** Šahovski klub "Zmaj" Vučkovci, Gradačac

**Naziv projekta:** „Šah u prirodi“

**Odobreno sredstava:** 4.998,00 KM

Tokom svog rada sa djecom po školama, udruženje je primijetilo da djeca sve više vremena provode za mobitelima, računarima itd., te počelo sa idejom projekta "Šah u škole" koji je izazvao veliku zainteresovanost, te je u samom projektu prošle školske godine učestvovalo

blizu 200 učenika/ca. Nakon utvrđenog interesa djece, otvorio se novi problem: djeca su i dalje ostajala zatvorena u svojim kućama, stanovima. Obzirom da udruženje djeluje u maloj, ruralnoj zajednici u kojoj se pored djece i drugi bave igranjem šaha, udruženje kroz projekat „Šah u prirodi“ želi omogućiti bavljenje šahom uz istovremeni boravak na otvorenom, a kroz prenamjenu školskog dvorišta. Navedeni prostor se nalazi ispred Područne škole u Vučkovicima koji bi pored velikog šaha omogućio postavljanje nekoliko dječijih igračkica gdje bi penzioneri sa svojim unucima/kama dolazili i poslije završetka nastave provodili vrijeme u prirodi igrajući se, te učeći svoje prve šahovske poteze.

Kroz projekat se planira uređenje dvorišta sa postavljanjem velikog šaha, stola za šah klupa, kutija za figure, krečenje betonskih dijelova kao i spomenika, postavljanje dječijih igračkica, sadnja ruža i ukrasnog drveća i dr.. Također, projektom je planirano i organizovanje pojedinačnog i ekipnog prvenstva za učenike osnovnih škola.

**Aplikant:** JU RTV Lukavac

**Naziv projekta:** „Stvarajmo dobre navike cegerom protiv plastike“

**Odobreno sredstava:** 3.859,83 KM

Projekat Stvarajmo dobre navike cegerom protiv plastike ,prvenstveno je namjenjen ženskoj populaciji,pa bi ga realizovali u saradnji sa udruženjima žena "Poljičke"čije članice su iz naselja Poljice Donje i Poljice Gornje,"9 VODA"Devetak i "Gnojnica"iz Gnojnice. Projekat će se realizovati u periodu od 3 mjeseca, tokom kojih će se za članice pomenutih udruženja organizovati radionice na temu"Bolje ceger u ruci,nego vrećica u rijeci".

Radionice će biti edukativnog karaktera,gdje će prvi dio radionice biti predavanje o štetnosti plastičnih vrećica za okoliš,a drugi dio praktični savjetima kako se mogu iskoristiti plastične vrećice umjesto da direktno završe u smeću. Sve tri radionice će se snimati,te snimke posložiti u jednu emisiju koju će RTV Lukavac emitovati u televizijskom programu. Za završni događaj je planirana manifestacija "Ceger party",koja je osmišljena kao zabava na otvorenom za mame,nane,bake i mališane. Za zabavno-sportski dio bili će angazovani animatori i podijeliti će se 100 pamučnih cegera. Cilj projekta je ukazati gradjanima na štetnost upotrebe plastičnih vrećica po okoliš,te će se uz cegere distribuirati i afiše. Džinglovima,spotovima,web banerom će se promovisati projektni aktivnosti i ciljeve.

**Aplikant:** Neformalna grupa „Onih kojima je stalo“

**Naziv projekta:** „Mala škola ozdravljenja“

**Odobreno sredstava:** 1.302,50 KM

Neformalna grupa “Onih kojima je stalo” Tuzla osmislila je projekat “Mala škola ozdravljenja” za žene i mlade djevojke, sa ciljem da omogući učesnicama da rade na razvoju samopoštovanja, kreativnosti i suosjećanja, kao i podizanju svijesti o svojoj vlastitu vrijednost kroz set psiho-fizičkih radionica. Projekat sadrži radionice na teme opšteg i reproduktivnog zdravlja, kreativne radionice kao što su pletenje, heklanje, slikanje, dekupaž, kao i radionice samoodbrane i poboljšanja fizičke kondicije. Planiraju da organizuju ukupno 11 stručnih edukacija i radionica za žene i mlade djevojke. Dvije edukacije će biti na teme opšteg zdravlja mladih djevojaka i žena, te reproduktivnog zdravlja, s posebnim akcentom na mentalno

zdravlje, kako se ojačati, kako se oduprijeti negativnim utjecajima okoline i kako ne biti onaj koji ima loš uticaj na druge. Šest radionica će biti kreativne radionice slikanja, pletenja i dekupaža, dok će tri biti radionice samoodbrane koje zaokružuju sve planirane aktivnosti.

**Aplikant:** Crveni križ/krst Grada Lukavac

**Naziv projekta:** „Škola sigurnosti, sigurnost u rukama mladih“

**Odobreno sredstava:** 4.161,00 KM

Projekat "Škola sigurnosti, sigurnost u rukama mladih" ima za cilj osnažiti zajednicu Lukavca kroz obuku djece, profesora i roditelja o prvoj pomoći.

Kroz interaktivne obuke prilagođene uzrastu, djeca će naučiti osnovne principe pružanja prve pomoći u hitnim situacijama. Profesori će biti educirani o pružanju osnovne prve pomoći u školskim okruženjima kako bi mogli pravilno reagirati u slučaju povreda ili neočekivanih medicinskih problema. Projekat također uključuje nabavku osnovnih medicinskih potrepština za prvu pomoć u svaku osnovnu školu u Lukavcu, te organizovanje simulacijskih vježbi hitnih situacija u školama, kako bi na taj način mogli stvoriti bolje pripremljenu i sigurniju zajednicu koja će znati pravilno reagirati u hitnim situacijama.

**Aplikant:** Udruženje „LIBERO“

**Naziv projekta:** „EKOškologija“

**Odobreno sredstava:** 4.979,50 KM

Udruženje građana „LIBERO“ sa svojim projektom pod nazivom „EKOškologija“ ima za cilj pružanje ekološke edukacije najmlađim starosnim grupama i njegovanje ekološki prihvatljivog načina razmišljanja.

Cilj ovog projekta je podizanje svijesti učenika o važnosti očuvanja životne sredine i spremnosti na odgovorno ponašanje prema njoj, kao i promicanje ekološki osviještenih akcija koje treba da se nastave i nakon škole. Udruženje „Libero“ će kroz ekološke radionice uticati na podizanje svijesti djece školskog uzrasta o značaju okoliša, s ciljem odgoja odgovornih pojedinaca čiji je cilj pravilna briga o okolišu za očuvanje vlastitih života i života budućih generacija. Planirane aktivnosti su promocija Eko-filma za djecu, organizacija radionica na temu očuvanja prirode, brige o životnoj sredini i klimi, organizacija akcija za unapređenje javnih površina u zajednici (park, škola dvorište i sl.) gde će deca imati priliku da predstave način na koji su učestvovala u uređenju. Korisnici projekta će biti 110 učenika osnovnih škola s područja općine Kalesija, od predškolskog uzrasta do 5. razreda.

**Aplikant:** Biciklistički klub „MTB Trebava“

**Naziv projekta:** „Dani biciklizma u Gračanici“

**Odobreno sredstava:** 4.892,00 KM

Projekat pod nazivom „Dani biciklizma u Gračanici“ ima za cilj da okupi preko 500 biciklista i zaljubljenika u prirodu na više od deset vožnji planiranih ovim projektom. Obilježili bi stazu koja povezuje grad Gračanicu sa planinskom stazom u blizini. Nakon toga, „MTB Trebava“

planira da ovaj projekat podigne na viši nivo organizovanjem MTB trke, sa ciljem da privuče 100 biciklista na izazovnu stazu, uz nagrade za najbolje izvođače. Planiraju pozvati klubove iz cijele Bosne i Hercegovine da naprave veoma posjećenu manifestaciju i promoviraju svoj grad. Istovremeno, planiraju organizirati seriju vožnji kojima će svoje sugrađane pozvati da se upoznaju sa stazama po njihovom gradu, kao i nekim stazama u Tuzlanskom kantonu. Ovaj projekat će zaključiti tradicionalnom Gračaničkom MTB biciklijadom, na kojoj se očekuje preko 200 učesnika iz najmanje 10 klubova iz BiH i dijaspore. Na svakom događaju će obezbijediti promotivne artikle koje će podijeliti učesnicima, kao i nagrade za pojedince. Projektom se želi označiti nova staza od 30 km koja počinje od centra grada, postaviti 100 znakova za vođenje staze i okupiti oko 500 ljubitelja prirode i biciklizma.

**Aplikant:** Udruženje pčelara „Behar“ Kalesija

**Naziv projekta:** “ Pčele život znače ”

**Odobreno sredstava:** 2.053,30 KM

Udruženje pčelara “Behar” svojim projektom “Pčele znače život” ima za cilj podizanje ekološke svijesti u Kalesiji i naglašavanje važnosti pčela u održavanju ravnoteže ekosistema osnivanjem pčelarske škole. Ova inicijativa ima za cilj da aktivno uključi učesnike u očuvanje pčela i njihove okoline. Cilj projekta je promocija pčelarstva kao zanata i pozitivnih vrijednosti koje on propagira, sa značajnim fokusom na očuvanje okoliša i ulogu lokalne zajednice. Cilj je promijeniti svijest učesnika o okolišu i prirodi i podstaći motivaciju za pčelarstvo. Projekat je zamišljen kao svojevrсна škola pčelarstva. Škola će se sastojati iz dva dijela, praktičnog i teorijskog, oba će voditi iskusni pčelari koji će svoja znanja prenijeti djeci i mladima. Planirane aktivnosti u okviru projekta obuhvataju organizovanje predavanja sa panel diskusijama sa stručnjacima iz oblasti ekologije, poljoprivrede i pčelarstva na kojima će se razgovarati o značaju pčela za ekosistem, te serijala radionica pod nazivom „Uvod u pčelarstvo“, koje će učesnicima pružiti osnovne informacije o pčelarstvu i praktična obuku o pravilnom rukovanju alatima i tehnikama praćenja i zaštite pčela.

**Aplikant:** Udruženje žena „Sretna žena“

**Naziv projekta:** “ Kreativci čuvaju okoliš ”

**Odobreno sredstava:** 5.000,00 KM

Projekat Udruženja „Sretna žena“ pod nazivom „Kreativci čuvaju okoliš“ ima dva podjednako važna cilja – unapređenje psihosocijalnog statusa žena kroz učešće u planiranim radionicama i smanjenje zagađenja kroz sakupljanje i ponovnu upotrebu tekstilnog otpada. Istraživanja pokazuju da žene zbog nedostatka hobija i društvenih aktivnosti pate od depresije ili drugih bolesti. Istovremeno, drastično je povećana količina tekstilnog otpada koji završava na smetlištima i deponijama, zbog velikog izbora jeftine i nekvalitetne odjeće. Projektom se planira organizirati akcije prikupljanja tekstilnog otpada s ciljem njegove prenamjene, čime se podiže svijest javnosti o uticaju zagađenja na živote i zdravlje ljudi i važnosti očuvanja životne sredine kroz reciklažu i prenamjenu takvog otpada, te organizovanje raznih radionica za žene (tkanje, pletenje, heklanje, šivenje, krojenje, itd.) na kojima će se vršiti prenamjena prikupljenog tekstilnog otpada, Cilj je da se, kroz učešće žena u radionicama, poboljša njihov

psiko-socijalni status i pomogne im u poboljšanju društvenog života. Kao završna aktivnost projekta planirano je organizovanje bazara na kojem bi se nudili na prodaju predmeti izrađeni u radionicama, nastali prenamjenom tekstilnih predmeta koji bi inače završili na deponijama smeća.

**Aplikant:** NG „Osobe sa invaliditetom“ Čelić

**Naziv projekta:** “ Kroz rad i druženje do boljeg mentalnog zdravlja ”

**Odobreno sredstava:** 1.724,50 KM

Projekat neformalne grupe “Osobe sa invaliditetom” Čelić pod nazivom “ Kroz rad i druženje do boljeg mentalnog zdravlja ” je namjenjen svim uzrastima i kategorijama stanovništva. Ovim aktivnostima osiguravamo kroz rad brigu o prirodi, čišći zrak i vodu, bolje mentalno i fizičko zdravlje i društveni život. Edukacije su namijenjene za savjetovanje o nastanku i prevenciji bolesti i brizi o zdravom načinu života. Kroz sve aktivnosti su uključene osobe sa invaliditetom čime poboljšavamo kvalitetu života ovih osoba, uključujemo ih u zajednicu i gradimo inkluzivnije društvo po mjeri za sve kategorije stanovništva."

Aktivnosti planirane kroz projekat: 1. organizovati 2 radionice o mentalnom zdravlju - nastanak i prevencija bolesti, 2. provesti akcije čišćenja izletišta i sadnju ukrasnog bilja, 3. kroz promociju filma o nasilju nad ženama raditi na podizanju svijesti stanovništva o ovom problemu, organizovati edukativno-rekreativni izlet za 30-ak učesnika, osobe sa invaliditetom i članove NG na lokaciji "Mionički Ranč".

Osobe sa invaliditetom su uključene u sve aktivnosti, čime se poboljšava njihov kvalitet života, integrišu se u zajednicu i grade inkluzivnije društvo prilagođeno svim kategorijama stanovništva.

**Aplikant:** UG makedonskog porijekla "Ilinden", Tuzla

**Naziv projekta:** “ Veče makedonske etno muzike ”

**Odobreno sredstava:** 1.700,00 KM

Udruženje “Ilinden” tradicionalno organizuje manifestacije koje predstavljaju makedonsku kulturu u Tuzli, doprinose koheziji zajednice, obogaćuju kulturno naslijeđe grada i njeguju međunarodne, regionalne i međudržavne veze. Kroz svoj projekat „Veče makedonske etno muzike“, u saradnji sa Omladinskim udruženjem „Akustikum“ i orkestrom „Balsika“, Udruženje će organizovati veče makedonske narodne muzike, gdje će, promovisanjem rada mladih talenata, upoznati građane Tuzle sa makedonsom tradicionalnom narodnom muzikom.

Navedena projektna aktivnost unapređuje kulturno naslijeđe grada, njeguje multietničnost, promoviše rad mladih i doprinosi povezivanju građana. Projekt pomaže mladima u njihovom radu i njihovom muzičkom potencijalu, te promovira lokalnu i širu zajednicu i obogaćuje kulturni sadržaj grada.

**Aplikant:** Udruženje građana "Šems", Gračanica

**Naziv projekta:** "Ženama mog grada"

**Odobreno sredstava:** 3.186,00 KM

Udruženje „Šems“ planira da realizuje projekat pod nazivom „Ženama moga grada“. Projekat ima za cilj očuvanje i jačanje mentalnog zdravlja žena u trećoj i zreloj fazi života, jer je prepoznato da su izolacija žena i nedostatak socijalnih i društvenih aktivnosti specifično kreiranih za te populacije značajni problemi u zajednici. Ideja je da se organizuju odvojene psihološke radionice za grupe od 10 pojedinaca iz obe ciljne grupe, dva puta tokom projekta: na početku i na kraju. Tokom ovih psiholoških radionica, edukator bi pokušao da učesnicima podijeli alate za poboljšanje njihovog zdravlja, nauči ih šta mogu učiniti za sebe i naglasiti važnost male podrške koju svako može pružiti drugima. Osim toga, planirane su još četiri radionice različitih sadržaja na kojima bi ove dvije ciljne grupe radile zajedno. Svrha ovakve saradnje je fokusiranje i uvažavanje važne uloge zrelih pojedinaca u društvu i naglašavanje ovoj starosnoj grupi da se uključivanje starijih ne smije zanemariti, bez obzira na tempo koji nameće današnje društvo.

**Aplikant:** Udruženje građana slovenačkog porijekla Tuzla

**Naziv projekta:** "Kultura dijaloga"

**Odobreno sredstava:** 5.000,00 KM

Projektom pod nazivom "Kultura dijaloga" Udruženje građana slovenačkog porijekla ima za cilj doprinjeti očuvanju i daljem razvoju kulture, jezika i običaja slovenačke nacionalne manjine u Tuzli i Bosni i Hercegovini, njegovati kulturu različitosti, te uspostaviti kulturni dijalog sa svim korisnicima projekta.

Cilj projekta je predstaviti rad umjetnika iz različitih oblasti, koji na specifičan način povezuju kulture Slovenije i Bosne i Hercegovine, uspostavljajući tematske veze koje pričaju priče o kulturi različitosti, ali i o zajedničkim vrijednostima, zajedničkim praksama i istoriji, kao i o promjenama i adaptacijama koje se dešavaju tokom vremena i pod uticajem okoline.

Aktivnosti u okviru projekta su organizacija pedagoško-edukativne radionice za djecu, održavanje književne večeri i debate, organizovanje završne manifestacije uz muzički nastup. Svi sadržaji biti će besplatni, što bi trebalo povećalo broj korisnika, ali i uticati na vidljivost i prepoznatljivost udruženja u lokalnoj zajednici.